

Otro poema de hace unas semanas, ahora en aragonés:

TESTIMONIOS INVENCIBLES

Qué voces s'amortan n'ixe luengo camín sin uembras que femos de conchunta
qué rayos de luz se deluyen n'a escuredá de selvas impenetrables
an que tu e yo nos somos mesos ta que dengún no pueda crebar a calma
que nos orchega cuan dellá de tu e yo no b'ha cosa e o mundo remata
chusto n'o tuyo perfil retallau cuenta un infinito an sólo que tu cabes

perdius os dos n'o boscarral de lindes indefinidas sientu cómo esbarizas
as mans peito t'abaixo ta abastar o mío sexo que en tu empecipia e con tu acaba

qué misterios como deconoixius abres s'enradizan n'as nuestra almas
cuan desdibuixando monts ixecando rius zurrastriando arenas d'os desiertos
nos abrazamos e n'ixe sencillo ceño somos capaces d'eslurtar o mundo entero
e remanir nusatros per alto de tanta enruena como indestructibles testimonios d'amor
unicos sobrevivients de tanta hecatombe invencibles amadors tu e yo

Ánchel Conte